

Aningaasarsianit akileraarutit pillugit Inatsisartut inatsisaata allannguutissaatut Inatsisartut inatsisaat

§ 1

Aningaasarsianit akileraarutit pillugit Inatsisartut inatsisaanni nr. 5-imi 19. maj 1979-imeersumi, Inatsisartulli inatsisaatigut nr. 2-kkut 3. marts 1994-imeersukkut kingullermik allanngortinneqartumi, makku allannguutigittinneqassapput:

1. § 2, *imm. 1, nr. 1*-imi allassimasup "umiarsuarniluunniit"-p kingorna "silaannakkoortaatiniluunniillu" ilanngunneqassaaq.

2. § 2, *imm. 1, nr. 1*-ip kingorna ilanngunneqassaaq:

"nr. 1 a. sulisussarsiarineqarlutik Kalaallit Nunaanni sulereerlutik qanorluunniit ittunik akissarsiaqartut, matumani unammillertigisanut paasissutissiinnnginnissamik piumasaqaatinik isumaqatigiissuteqarnermi akissarsiat ilanngullugit. Tassani apeqqutaanngilaq pisinnaatitaalerneq aamma/imaluunniit akissarsiasat pineqartut amerlassusii eqqartuussutikkut, eqqartuussivimmi isumaqatigiissuteqarnikkut, saqitsaattoqarnerani isumaqatigiissitsiniartarfikkut taakkuluunniit assigisaasigut pissarsiarineqarsimanersut."

3. § 14 a-p kingorna una ilanngunneqassaaq:

"§ 14 b. § 1, *imm. 1, nr. 1*-imi 2-milu inuit pineqartut aningaasarsiaminnik akileraarutaasussanik naatsorsuinerminni iluanaarutit pisassarisanik tunisinikkut, tamakkiissumik ilaannakortumilluunniit akiliinikkut imaluunniit makitsinikkut pissarsiarineqartutigit iluanaarutit ilanngullugit naatsorsussavaat, pisassarisat *imm. 2*-mi taaneqartut eqqarsaatigalugit, pissarsiarineqartut *imm. 3*-mi aalajangersarneqarsimasutut erniat ikinnerpaaffissaattut amerlatigisunik taakkuninngaluunniit amerlanerusunik ernialersorneqanngikkunik.

Imm. 2. Pisassarisanik oqarnermi pineqartut tassaapput obligationit, pappiaqqat aningaasanik nalillit (statsgældsbeviser), pappiaqqat allat aningaasanik nalillit (skatkammerbeviser) aamma suliffeqarfiit akuerineqarnerinut uppernarsaatit (virksomhedscertifikater) il.il..

Imm. 3. Erniat ikinnerpaaffiat Akileraartarnermi Pisortaqarfimmit nalinginnaasumik ukiup affaanut marlunnut januar-junimut aamma juli-decemberimut aalajangersarneqartassapput.

Imm. 4. Pisassarisat tunineqarnerisigut utertillugilluunniit akilerneqarnerisigut iluanaarutit naatsorsorneqartassapput tassaatillugit pisarinerini akiliutigineqartut aamma tunisinermi utertillugilluunniit akiliinermi akigineqartut nikingassutaat. Utertillugit akiliineq naaferartumik akilersuinikkut pippat iluanaarutit naatsorsorneqassapput naaferartumik akiliutigineqartunit tamanit procentinik pappiarat naleqassusiisa pisinermi akiliutigineqartunik qaangiisarnernani procentit amerlaqataannik.

Imm. 5. Pisassarisanit imm. 1-imi taaneqartunit iluanaarutit annaasalluunniit § 24, imm. 1, nr. 2-mi ilaatinneqarsinnaanngillat."

4. §§ 16 A-miit 16 D-mut atorunnaarsinneqarput.

5. § 25 A-mi imm. 3-tut nutaatut ilanngunneqassaaq:

"*Imm. 3.* Tamanna § 14-imi iluanaarutitut akileraaruteqataasussatut taaneqartunut aamma atuuppoq."

6. § 25 B-mi imm. 1-ip kingornanut nutaatut ilanngunneqassaaq:

"*Imm. 2.* Pisassarisat § 14 b, imm. 1-imi ilaatinneqartut kingusinnerpaamik tunineqarsimasutut isigineqassapput § 1, imm. 1, nr. 1 aamma 2 naapertorlugit akileraartussaannerup taamaatinnerani.

7. § 25 B, imm. 2-mi matuma kingorna imm. 3-ngortumi allassimasoq "immikkoortoq 1 naapertorlugu" imaallillugu allanngortinneqassaaq "immikkoortut 1 aamma 2 naapertorlugit".

8. § 79-ip kingorna ilanngunneqassapput:

"**§ 79 a.** Kinaluunniit ingerlatseqatigiiffiup aningaasaataasa ilaannik akisunaaraluni tunisisoq tunisinerup nalaani ingerlatseqatigiiffiup akileraarutitut akitsuutinullu akiligassaanik akiligassarisinnaasaanilluunniit akiliinissamut akisussaavoq. Akiliinissamut akisussaatsitsineq taamaallaat atortinneqarsinnaavoq ingerlatseqatigiiffik akiliisinniarualugu tamanna iluatsinngitsoorpat. Tunisisoq ingerlatseqatigiiffiuppat il.il. nunamut maanga tamakkiisumik akileraartussaataaangitsoq, akiliinissamut akisussaatsitsineq inunnet ingerlatseqatigiiffinnilluunniit nunamut maanga tamakkiisumik akileraartussaataasunut toqqaannartumik tutsinneqarsinnaavoq, taakku ingerlatseqatigiiffimmut tunineqartumut aalajangiisinnaassuseqarlutik sunniuteqarnerisa annertussusiat aalajangiisuutillugu. Kinaluunniit tunisinermi inuussutissarsiutitigut siunnersuisuusimasoq aamma tunisisoq kiisalu inuit ingerlatseqatigiiffillu oqaaseqatigiit pingajuanni taaneqartut peqatigalugit akiliinissamut akisussaaqataavoq.

Imm. 2. Tunisisoq inuuppat imm. 1-imi, oqaaseqatigiit siullianni aappaanilu aalajangersakkat taamaallaat atorineqarsinnaapput, taassuma piginneqataassutai piginneqataassutitigut aningaasaatit 10 pct.-erippatigut, taakkunaanngaluunniit amerlanerullutik. Tunisisoq ingerlatseqatigiiffiuppat il.il. imm. 1-imi, oqaaseqatigiit siullianniit pingajuanni aalajangersakkat taamaallaat atorineqarsinnaapput, tunisineq ingerlatseqatigiiffinnut ingerlatseqatigiiffissuarnut qilersorsimasunut attuumassuteqarpat, taamaattorli ingerlatseqatigiiffinni tamani piginneqataassutitigut aningaasaatini piginneqataassutit ingerlatseqatigiiffimmi ataatsimi 10 pct.-iuppata ingerlatseqatigiiffiit ingerlatseqatigiiffissuarnut qilersorsimasut pineqartutut isigineqassapput. |

Imm. 3. Imm. 1-imi aalajangersagaq aamma taamaallaat atorineqassaaq tunisineq ingerlatseqatigiiffimmut tunisinerup nalaani inuussutissarsiutitigut ingerlatsinerminik unitsitsisimanermigut amerlanertigut aningaasaqarnermigut ulorianartorsiunngitsutut ingerlasumut attuumassuteqarpat.

Imm. 4. Akisunaarisoqarsimasutut isigineqassaaq aningaasaatit ilaannut akiliutit ingerlatseqatigiiffiup tunineqarnermi nalaani ilanngaattissat ilanngaatigereerlugit nalinganit erseqqissumik amerlaneruppata.

Imm. 5. Ingerlatseqatigiiffiup aningaasaataasa ilaannik tunisineq pilersinnagu Akileraartarnermi Pisortaqarfik imm. 1 tunngavigalugu akiliinissamut akisussaatsitsisinnaaneq atorineqassanngitsoq akuersissutigineqassasoq neriorsuuteqarsinnaavoq. Taamatut neriorsuuteqarnermi piumasarineqarsinnaavoq ingerlatseqatigiiffiup tunineqarnerata nalaani akileraarutitut akitsuutinullu akiligassaasa akiligassarisinnaasaasaluunniit akilernerqarnissaannut tamakkiisumik ilaannakortumilluunniit qularnaveequsiisoqassasoq. Imm. 1-imi oqaaseqatigiinni kingullerni taaneqartutut siunnersuisuusimasoq akiliinissamut akisussaassutsiminit tunuarsinnaavoq tunisineq

sioqqullugu allakkatigut qinnuteqaruni akuerineqarnissamik neriorsorneqarnissaminik, qinnuteqaatini tunisinissamik pilersaarutigineqartoq pillugu paasissutissanik pisariaqartunik ilaqartillugu.

Akuerineqarnissamik neriorsuutaasinnaasoq tassungalu atatillugu piumasaqaataasinnaasut pillugit

Akilerartarnermi Pisortaqarfiup aalajangiinera naliliinissamut paasissutissat pisariaqartut

tiguneqarneriniit qaammatit pingasut qaangiutsinnagit pereersimassaaq.

Imm. 6. Akuersissuteqarnissamik neriorsuuteqarnermi periusaasartussaq pillugu Naalakkersuisut

malittarisassanik erseqqinnerusunik aalajangersaasinnaapput. Naammagittaalliortunit, matumani

aalajangiinerit pisortatigoortumik oqartussaasunut allanut ingerlateqqinneqarsinnaanngineri

ilanngullugit, pillugit Naalakkersuisut malittarisassanik aalajangersaasinnaapputtaaq.

§ 2

Inatsisartut inatsisaat manna ingerlaannartumik atortuulersinneqarpoq.

Imm. 2. § 1, nr. 1, 2 aamma 4 ukiup aningaasarsiorfiup 1995-ip aallartinneraniit atortuulersinneqassapput.

Imm. 3. § 1, nr. 3, 5, 6, 7 aamma 8 inatsisissatut siunnersuutip saqqummiunneqarneraniit

atortuulersinneqassapput.

Imm. 4. § 1, nr. 3 naapertorlugu erniat ikinnerpaaffissaat 1. januar 1995 sioqqullugu 5 procentiuvoq.

Namminersornerullutik Oqartussat, 3. november 1994

Lars Emil Johansen

/

Emil Abelsen

Inatsisissatut siunnersuut saqqummiunneqarpoq siullermeerlugulu oqaluuserineqarluni ullormi 4. oktober 1994-imi, taamaasilluni § 1, nr. 3, 5, 6, 7 aamma 8 ullormit tassanngaaniit atortuulersinneqarlutik, takuuk § 2, imm. 3.

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut